

**Makaila sa Pagpakig-ambit sa Mga Pag-antos ni Cristo
ug Gipahiuyon sa Iyang Kamatayon**

Basahong Kasulatan: Fil. 3:7-10; Juan 11:25; Efe. 1:19-20; Col. 1:24

- I. Nagtinguha si Pablo nga makaila sa pagpakig-ambit sa mga pag-antos ni Cristo—Fil. 3:10:**
- A. Diha ni Cristo, nag-una ang mga pag-antos ug kamatayon, ug gisundan sa pagkabanhaw; diha nato, nag-una ang gahom sa Iyang pagkabanhaw, ayha pa ang pag-ambit sa Iyang mga pag-antos ug pagpahiuyon sa Iyang kamatayon—v. 10.
 - B. Nadawat una nato ang gahom sa Iyang pagkabanhaw; unya pinaagi ning gahoma nakaambit ta sa Iyang mga pag-antos ug nagkinabuhi sa kinabuhing linansang sa krus nga gipahiuyon sa Iyang kamatayon.
 - C. Duha ka kategoriya ang mga pag-antos ni Cristo: kadtong alang sa paghuman sa katubsanan, nga gikompleto ni Cristo mismo, ug kadtong alang sa pagpahimugso ug pagtukod sa iglesia, nga hulipanan gyod sa mga apostol ug sa mga magtutuo—Col. 1:24:
 - 1. Dili ta makaambit sa mga pag-antos ni Cristo alang sa katubsanan, apan moambit gyod ta sa mga pag-antos Niya alang sa pagpahimugso ug pagtukod sa Lawas—itandi sa Bug. 1:9; 2 Tim. 2:10; 2 Cor. 1:5-6; 4:12; 6:8-11.
 - 2. Nag-antos si Cristo nga Cordero sa Dios aron magtubos (Juan 1:29); nag-antos si Cristo nga lugas sa trigo aron magpasanay ug magtukod (12:24):
 - a. Ang Ginoo, nga usa ka lugas nga trigo nga nahulog sa yuta, nawad-an sa Iyang kinabuhi-sa-kalag pinaagi sa kamatayon aron mahubaran Niya ang Iyang kinabuhing dayon diha sa pagkabanhaw ngadto sa daghang trigo—Juan 10:11, 15, 17-18.
 - b. Wala kompletaha sa usa ka lugas nga trigo ang tanang pag-antos nga gikinahanglan sa pagtukod sa Lawas; isip daghang trigo, mag-antos gyod ta sa giantos sa usa ka trigo—12:24-26:
 - 1) Isip daghang trigo, kinahanglan mawad-an sab ta sa kinabuhi-sa-kalag nato pinaagi sa kamatayon aron makapahimulos ta sa kinabuhing dayon diha sa pagkabanhaw—v. 25.
 - 2) Kini ang pagsunod Kaniya aron makaalagad ta Niya ug makalakaw uban Niya ning dalana, sa dalan sa pagwala sa kinabuhi-sa-kalag ug pagkinabuhi diha sa Iyang pagkabanhaw—v. 26.
 - 3) Ang paagi nga maanaa ang iglesia ug motubo dili man pinaagi sa tawhanong himaya; pinaagi kini sa kamatayon sa krus—vv. 20-24.
 - D. Dunay kalainan tali sa mga pag-antos nga alang sa pagtransporma kanato ug sa mga pag-antos nga alang sa Lawas—2 Cor. 3:18; Fil. 3:10; Col. 1:24:
 - 1. Wala magpasabot sa pag-antos nga alang sa pagtransporma ang pulong ni Pablo sa Filipos 3:10.
 - 2. Kon itandi nato ang 3:10 sa Colosas 1:24, makita nato nga ang mga pag-antos nga gihisgotan ni Pablo sa Filipos 3:10 mao ang mga pag-antos nga naghulip sa nakulang sa mga kasakitan ni Cristo alang sa Lawas.
 - 3. Sa Colosas 1:24 giisip ni Pablo ang kaugalingon niyang mga pag-antos ingon nga hulip sa nakulang sa pag-antos ni Cristo alang sa Iyang Lawas.
 - 4. Nagpadayon pa gihapon ang mga pag-antos ni Cristo alang sa Iyang Lawas, ug moambit gyod ta niini—Fil. 3:10; itandi sa Buh. 9:4-5.
 - 5. Sa diha mang mag-antos ta alang sa Lawas nga makasinati ta sa gahom sa pagkabanhaw ni Cristo—Col. 1:24; Fil. 3:10.

II. Sa Filipos 3:10 naghisgot si Pablo sa “gipahiuyon...sa Iyang kamatayon”; nagpaila kining pamulonga nga nagtinguha si Pablo nga himoong hulmahan sa iyang kinabuhi ang kamatayon ni Cristo:

- A. Ang labaw nga pagkamaayo sa pagkaila ni Cristo, mag-isip sa tanang butang nga kapildihan, makabaton ni Cristo, makaplagaan diha Niya, makaila Niya, makaila sa gahom sa Iyang pagkabanhaw, ug makaila sa pagpakig-ambit sa Iyang mga pag-antos mosangpot tanan sa usa ka butang—mapahiuyon sa kamatayon ni Cristo—vv. 7-10.
- B. Ang mapahiuyon sa kamatayon ni Cristo nagpakita nga hulmahan ang kamatayon Niya—v. 10:
 - 1. Ang sentro sa Filipos 3 kana mang mahulma sa hulmahan sa kamatayon ni Cristo—vv. 7, 9, 12-16.
 - 2. Gibutang ta ning hulmahan sa kamatayon, ug karon kinahanglan mahulma ta niini—Gal. 2:20; Rom. 6:3-5.
 - 3. Ang gahom sa kinabuhi sa pagkabanhaw ni Cristo nga naa nato ang magdulong, magdala, magpas-an, ug magbutang nato sa hulmahan sa kamatayon ni Cristo—Juan 11:25; Efe. 1:19-20.
- C. Ang hulmahan sa kamatayon ni Cristo nagpasabot sa kasinatian ni Cristo nga makanunayong nagpatay sa Iyang tawhanong kinabuhi aron magkinabuhi Siya pinaagi sa kinabuhi sa Dios—Juan 6:57:
 - 1. Sa nia pa sa yuta si Ginoong Jesus, nagkinabuhi Siya sa kinabuhing linasang sa krus; sa pagkinabuhi Niya niini nabuhi Siya ngadto sa Dios ug nagkinabuhi Niya—Gal. 2:20; 3:1; 5:24.
 - 2. Kanunay Niyang gipatay ang Iyang tawhanong kinabuhi aron makaagay ang diosnong kinabuhi nga naa Niya—Juan 10:10-11, 17.
 - 3. Samtang nabuhi Siya, namatay sab Siya—namatay sa daang kabuhatan aron magkinabuhi diha sa bag-ong kabuhatan; kini ang gipasabot sa “Iyang kamatayon” sa Filipos 3:10.
- D. Ang ipahiuyon sa kamatayon ni Cristo paghimo man sa Iyang kamatayon nga hulmahan sa atong kinabuhi—v. 10:
 - 1. Hulmahan ang kamatayon ni Cristo nga niini ipahiuyon ta sama gyod sa minasa nga isulod sa hulmahan sa keyk ug ipasama niini.
 - 2. Gibutang na ta sa Dios sa hulmahan sa kamatayon ni Cristo, ug adlaw-adlaw gihulma ta sa Dios aron ipahiuyon ning kamatayona—Rom. 6:3-4.
 - 3. Ipahiuyon gyod ang atong kinabuhi ning hulmahana—mamatay sa tawhanon natong kinabuhi aron magkinabuhi sa diosnong kinabuhi—Gal. 2:20; 2 Cor. 4:10-11.
 - 4. Kon patyon nato ang atong natural nga kinabuhi, mabati nato nga duna tay laing kinabuhi, ang diosnong kinabuhi, sa sulod nato; makagula kining kinabuhia, ug sa kasinatian nato mapahiuyon ta sa kamatayon ni Cristo—Juan 10:10; 1 Juan 5:11-12.
 - 5. Sa hulmahan sa kamatayon ni Cristo mamatay ang natural nga tawo, malansang sa krus ang daang tawo, ug mawala ang kaugalingon—2 Cor. 4:16; Rom. 6:6; Mat. 16:24.
 - 6. Kon magpaduot ta sa mga sirkumstansya nato ning hulmahana, mahulma sa kamatayon ni Cristo ang adlaw-adlaw natong kinabuhi—Rom. 8:28-29.
- E. Ang bugtong paagi nga mahimaya ang Dios pagpahiuyon ra gyod sa kamatayon ni Cristo; labi tang mapahiuyon sa kamatayon ni Cristo, labi sab tang makahimaya sa Amahan—Juan 12:28; 13:31.